

3H Travel ehf.  
Björn Ólafsson



UMHVERFISSTOFNUN

Reykjavík, 25. september 2014  
Tilvísun: UST20140800109/pvb

### Uppsetning á aðstöðu við Þríhnúka

Umhverfisstofnun hefur borist erindi dags. 22. ágúst sl. frá 3H Travel ehf. vegna heimildar til uppsetninga á aðstöðu við Þríhnúka í Bláfjallafólkvangi, vorið 2015. Jafnframt er óskað eftir því að gámar sem settir voru upp vorið 2014 sem aðstaða fyrir gesti og starfsfólk fái að standa veturinn 2014-2015.

Svæðið sem um ræðir er innan Bláfjallafólkvangs. Bláfjallafólkvangur er friðlýstur sbr. auglýsingu í Stj.tíð. B, 173/1985. Jarðrask og mannvirkjagerð er óheimil á svæðinu nema með leyfi Umhverfisstofnunar, skv. auglýstum reglum svæðisins.

#### *Lýsing framkvæmdar:*

Fram kemur í erindi 3H Travel líkt og síðustu ár að byggingakranabóma verði lögð þvert yfir gígopið, án nokkurs rasks á landi eða yfirborði. Neðan úr bómunni verður tveggja spila lyftupallur sem notaður verður til mælinga og flutnings á fólki. Rafmagnskapall sem lagður var frá Bláfjöllum síðastliðin vetur mun fullnægja rafmagnspörf og innan við 40 lítrar af olíu verða á varaafstöð í Þríhnúkum. Undanfarin ár hefur verið sett upp aðstaða (gámar) á svæðinu sem afdrep bæði fyrir gesti og starfsmenn og einnig þurrsalerni með þvottaaðstöðu. Í leyfi UST fyrir rekstarár 2014 er gert ráð fyrir því að aðstöðugámarnir verði fjarlægðir líkt og undanfarin ár. 3H Travel óskað nú hins vegar eftir því að gámarnir fái að standa yfir veturinn 2014-2015. Kranabóman og lyftubúnaður verður hins vegar tekin niður eins og áður þegar starfsemi á svæðinu lýkur sumarið 2014. Í erindinu er jafnframt óskað eftir að viðhalda göngustíg sem lagður var vorið 2014 með því að bera malað hraungrýti í hann næsta vor eftir þörfum.

#### *Áhrifamat:*

Þann 13. ágúst síðastliðin fóru starfsmenn Umhverfisstofnunar í eftirlitsferð í Þríhnúkagíga til að kanna ástand svæðisins. Ástand svæðisins var gott en stígar sem lagðir höfðu verið um svæðið um vorið voru vel afmarkaðir og virtist lítið vera um að fólk færi út fyrir þá. Í leyfi vegna framkvæmda á svæðinu fyrir árið 2014, dags. 18. október 2014, var veitt heimild fyrir uppsetningu gáma á svæðinu með aðstöðu fyrir gesti og starfsfólks. Tekið var fram í skilyrðum fyrir leyfisveitingunni að þeir skyldu fjarlægðir í byrjun október 2014. Að mati Umhverfisstofnunar er minni hætta á raski og mengun ef gámarnir verða skildir eftir á svæðinu eins og framkvæmdaraðili hefur óskað eftir.

### **Skilyrði:**

Umhverfisstofnun heimilar fyrir sitt leyti tímabundna aðstöðu við Þríhnúka sumarið 2015, viðhald göngustígs og að gámar sem fyrir eru á svæðinu fái að standa þar veturinn 2014-2015, með eftirfarandi skilyrðum:


- Að ekki verði um jarðrask að ræða á svæðinu.
- Allt efni sem ekki verður skilið eftir á svæðinu veturinn 2014-2015 og til stendur að nýta sumarið 2015 verði flutt á svæðið með þyrlu.
- Að olía eða aðrir mengandi vökvar fari ekki út í umhverfið, að vel sé gengið frá eldsneytistank inni á svæðinu með lekavörn og að 3H Travel komi sér upp viðbragðsáætlun ef til slysa kemur. Viðbragðsáætlun á grundvelli starfsleyfis frá heilbrigðisnefnd getur komið í stað viðbragðsáætlunar skv. leyfi þessu.
- Að göngustígar verði vel afmarkaðir og að komið verði upp pöllum, ristum eða álíka útbúnaði sem hlífir viðkvæmum jarðmyndunum.
- Svæðið í kringum gámana við Þríhnúka verði afmarkað vel til að koma í veg fyrir jarðrask í kringum þá og að unnið verði í því að halda þeirri slóð sem myndast hefur á milli eldsneytistanks og göngustígs í lágmarki.
- Að umgengni niðri á botni Þríhnúkagígs sé góð og að þar verði ekki skilinn eftir neinn úrgangur.
- Að Umhverfisstofnun verði gert viðvart ef upp koma slys eða önnur óhöpp tengd leyfi þessu.
- Að allur frágangur að framkvæmdum loknum verði góður og ekki sjáist ummerki um mannvirki á svæðinu.
- Við viðhald göngustíg skal gæta þess að halda öllu raski í lágmarki og skal malað hraungrýti aðeins borið í þá hluta stígsins þar sem gróðurþekja hefur sannarlega rofnað og myndast hefur drullusvað eða jarðvegur skolast í burtu. Ekki yfir hraun eða önnur svæði þar sem gróður og jarðvegur hefur ekki látið á sjá á gönguleiðinni. Vanda skal við allan frágang.
- Leyfi þetta gildir frá 15. maí til byrjun október 2015. Umhverfisstofnun fer fram á það við framkvæmdaraðila að hann geri stofnuninni viðvart áður en búnaður verður fluttur á svæði.

Umhverfisstofnun bendir á að einnig þurfi að sækja um leyfi til viðkomandi Kópavogsbæjar fyrir því að gámarnir fái að standa á núverandi stað veturinn 2014-2015.


### **Eftirlit:**

Umhverfisstofnun mun hafa eftirlit með svæðinu og frágangi á því eftir að mannvirki hafa verið fjarlægð eins og stofnunin hefur viðhaft undanfarin ár.

Virðingarfyllst



Þórdís V. Bragadóttir  
Sérfræðingur



Sigrún Ágústsdóttir  
Sviðsstjóri